

Sant'Andria ' e Frius. La Sardegna si dona, campagna de sensibilizazione pro sa donazione de su sàmbine

LA SARDEGNA **SÌ DONA**



I SARDI SONO GRANDI
DONATORI DI SANGUE.
MA NON BASTA

DONA ANCHE TU.

IL TUO PROSSIMO AMICO
IL TUO PROSSIMO COLLEGA
IL TUO PROSSIMO AMORE

**POTREBBE VIVERE
GRAZIE ALLA TUA DONAZIONE**



Sa Regione Sardigna promovet una campagna de sensibilizazione pro is donationes de sàmbene in collaboratzione s'Istrutura Regionale de Coordinamentu pro is Atividades Trasfusionales e is assòtzios Avis, Fidas, Fratres e ThalassAzione.

S'obietivu est crèschere su nùmeru de is donatore e frunire informatziones de comente a ue donare, annoditende sa consièntzia de su balore de su donu e de sa solidariedade. Sa Sardigna est una de is Regiones in ue si donat de prus ma non bastat, serbit prus consièntzia e unu coinvoglimentu majore de is tzitadinos pro fàghere crèschere sa cultura de is donationes, sarvare e curare medas vidas. Un'ùnica donazione de sàmbene podet èssere impreada finas a tres malàidos chi nde tenent bisòngiu e is castas de

donazione podent èssere diferentes:

Faghet a donare totu su sàmbene, impreadu mescamente pro sa produzione de is emocomponentes (plasma, piastrinas, glòbulos rujos). Podent donare totu su sàmbene totu is persones de edade cumprèndida intre 18 e 65 annos (francu diversos indicos de su mèigu). Is òmines e is fèminas in edade non fèrtilè podent donare bator bias a s'annu cun discansu mìnimu 3 meses, mentras is fèminas in edade fèrtilè podent donare màssimu duas bias a s'annu fintzas in custu casu cun unu discansu mìnimu de 3 meses. Tràmite una protzedura mutida afèresi chi impreat unu "separadore tzellulare" faghet a otènnere unu solu cumponente de su sàmbene. Custu permetet su prelevamentu de:

Plasma (plasmaferesi) chi benit separadu dae is àteras tzèlulas de su sàmbene, ateretantu benint reinfusas in su tzirculu sanguineu. Faghet a donare ogni 14 dies. Is proteinas essentziales cuntènnidas in su plasma podent èssere impreadas pro sa preventzione e su tratamentu de medas patologias. Issu podet èssere trasfusu diretamente a su malàidu o impreadu dae s'indùstria farmatzèutica pro sa produzione de meighinales.

Piastrinas: tràmite piastrinoafèresi. Est possibile donare finas a 6 bias s'annu.

Est in prus possibile donare su meuddu òsseu, fondamentale pro sa cura de leutzemias, talassemias e àteras graves patologias. Is parteras podent donare su sàmbene cordonale. Is tzèlulas istaminales (emopoièticas) de su cordone ombelicale, similes meda a is de su meuddu òsseu, sunt a tretu de torrare a generare is tzèlulas de su sàmbene perifèricu: is glòbulos rujos, is glòbulos biancos e is piastrinas.

Pro nde ischire de prus:

<https://www.regione.sardegna.it/notizie/it-alert-il-sistema-di-allarme-pubblico-venerdi-30-giugno-2023-la-sperimentazione-in-sardegna?fbclid=IwAR3nIWJbM8npbYW3bkpD0cy-WI27dSHVso95QkZDrEoB36IjFMDH9oXEOzk>